

0.0.1 sūdasuttam

1. seyyathāpi bhikkhave, bālo avyatto akusalo sūdo rājānaṃ vā rājamahāmattaṃ¹ vā nānaccayehi sūpehi paccupaṭṭhito assa: ambilaggehipi tittakaggehipi kaṭukaggehipi madhuraggehipi khārikehipi akhārikehipi loṇikehipi alonikehipi.

2. sakho so bhikkhave, bālo avyatto akusalo sūdo sa-kassa bhattu² nimittaṃ na uggaṇhāti: idaṃ vā me ajja bhattu sūpeyyaṃ ruccati, imassa vā abhiharati, imassa vā bahuṃ gaṇhāti, imassa vā vaṇṇaṃ bhāsati, ambilaggaṃ vā me ajja bhattu sūpeyyaṃ ruccati, ambilaggaṃ vā abhiharati, ambilaggaṃ vā bahuṃ gaṇhāti, ambilaggaṃ vā vaṇṇaṃ bhāsati, tittakaggaṃ vā me ajja bhattu sūpeyyaṃ ruccati, tittakaggaṃ vā abhiharati, tittakaggaṃ vā bahuṃ gaṇhāti, tittakaggaṃ vā vaṇṇaṃ bhāsati, kaṭukaggaṃ vā me ajja bhattu sūpeyyaṃ ruccati, kaṭukaggaṃ vā abhiharati, kaṭukaggaṃ vā bahuṃ gaṇhāti, kaṭukaggaṃ vā vaṇṇaṃ bhāsati, madhuraggaṃ vā me ajja bhattu sūpeyyaṃ ruccati, madhuraggaṃ vā abhiharati, madhuraggaṃ vā bahuṃ gaṇhāti, madhuraggaṃ vā vaṇṇaṃ bhāsati, khārikaṃ vā me ajja bhattu sūpeyyaṃ ruccati, khārikassa vā abhiharati, khārikassa vā bahuṃ gaṇhāti, khārikassa vā vaṇṇaṃ bhāsati, akhārikaṃ vā me ajja bhattu sūpeyyaṃ ruccati, akhārikassa vā abhiha-

¹rājamahāmattānaṃ - simu.

pts page 150

²bhatta - machasaṃ, syā.

rati, akhārikassa vā bahum gaṇhāti, akhārikassa vā vaṇṇam bhāsati, loṇikam vā me ajja bhattu sūpeyyam ruccati, loṇikassa vā abhiharati, loṇikassa vā bahum gaṇhāti, loṇikassa vā vaṇṇam bhāsati, aloṇikam vā me ajja bhattu sūpeyyam ruccati, aloṇikassa vā abhiharati, aloṇikassa vā bahum gaṇhāti, aloṇikassa vā vaṇṇam bhāsati, sakho so bhikkhave, bālo avyatto akusalo sūdo naceva lābhī hoti: acchādanassa, na lābhī vetanassa, na lābhī abhihārānam. taṃ kissa hetu: ta-thā hi so bhikkhave, bālo avyatto akusalo sūdo sakassa bhattu nimittam na uggaṇhāti.

3. evameva kho bhikkhave, idhekacco bālo avyatto akusalo bhikkhu kāye na kāyānupassī³ viharati ātāpī sampajāno satimā vineyya loke abhiññhādomanassam. tassa kāye na kāyānupassino⁴ viharato cittaṃ na samādhīyati, upakkilesā na pahīyanti. so taṃ nimittam na uggaṇhāti. vedanāsu na vedanānupassī viharati ātāpī sampajāno satimā vineyya loke abhiññhādomanassam. tassa kāye na vedanānupassino viharato cittaṃ na samādhīyati, upakkilesā na pahīyanti. so taṃ nimittam na uggaṇhāti. citte na cittānupassī viharati ātāpī sampajāno satimā vineyya loke abhiññhādomanassam. tassa kāye na cittānupassino viharato cittaṃ na samādhīyati, upakkilesā na pahīyanti. so taṃ nimittam na uggaṇhāti. dhammesu na dhammānu-

bjt page 274

³kāye kāyānupassī - machasaṃ, syā.

⁴kāye kāyānupassino - machasaṃ, syā.

passī⁵ viharati ātāpī sampajāno satimā vineyya loke abhijjhādomanassaṃ. tassa kāye na dhammānupas-sino⁶ viharato cittaṃ na samādhīyati, upakkilesā na paḥīyanti. so taṃ nimittaṃ na uggaṇhāti. sakho so bhikkhave, bālo avyatto akusalo bhikkhu naceva lābhī hoti diṭṭhadhammasukhavihārānaṃ⁷, na lābhī sātisampajaññaṃ. taṃ kissa hetu? tathā hi so bhikkhave, bālo avyatto akusalo bhikkhu sakassa cittassa nimittaṃ na uggaṇhāti.

4. seyyathāpi bhikkhave, paṇḍito viyatto kusalo sūdo rājānaṃ vā rājamahāmattaṃ vā nānaccayehi sūpehi paccupaṭṭhito assa: ambilaggehipi tittakaggehipi kaṭukaggehipi madhuraggehipi khārikehipi akhārikehipi loṇikehipi alonikehipi.

5. sakho so bhikkhave, paṇḍito viyatto kusalo sūdo sakassa bhattu nimittaṃ uggaṇhāti: "idaṃ vā me ajja bhattu sūpeyyaṃ ruccati, imassa vā abhiharati, imassa vā bahuṃ gaṇhāti, imassa vā vaṇṇaṃ bhāsati, ambilaggāṃ vā me ajja bhattu sūpeyyaṃ ruccati, ambilaggassa vā abhiharati, ambilaggassa vā bahuṃ gaṇhāti, ambilaggassa vā vaṇṇaṃ bhāsati, tittakaggāṃ vā me ajja bhattu sūpeyyaṃ ruccati, tittakaggassa vā abhiharati, tittakaggassa vā bahuṃ gaṇhāti, tittakaggassa

⁵dhamesu dhammānupassī - machasaṃ, syā.

⁶dhamesu dhammānupassino - machasaṃ, syā.

⁷diṭṭheva dhamme sukhavīhārānaṃ - machasaṃ, syā.

pts page 151

bjt page 276

vā vaṇṇaṃ bhāsatī, kaṭukaggamaṃ vā me ajja bhattu sūpeyyaṃ ruccati, kaṭukaggassa vā abhiharati, kaṭukaggassa vā bahumaṃ gaṇhāti, kaṭukaggassa vā vaṇṇaṃ bhāsatī, madhuraggamaṃ vā me ajja bhattu sūpeyyaṃ ruccati, madhuraggassa vā abhiharati, madhuraggassa vā bahumaṃ gaṇhāti, madhuraggassa vā vaṇṇaṃ bhāsatī, khārikamaṃ vā me ajja bhattu sūpeyyaṃ ruccati, khārikassa vā abhiharati, khārikassa vā bahumaṃ gaṇhāti, khārikassa vā vaṇṇaṃ bhāsatī, akhārikamaṃ vā me ajja bhattu sūpeyyaṃ ruccati, akhārikassa vā abhiharati, akhārikassa vā bahumaṃ gaṇhāti, akhārikassa vā vaṇṇaṃ bhāsatī, loṇikamaṃ vā me ajja bhattu sūpeyyaṃ ruccati, loṇikassa vā abhiharati, loṇikassa vā bahumaṃ gaṇhāti, loṇikassa vā vaṇṇaṃ bhāsatī, aloṇikamaṃ vā me ajja bhattu sūpeyyaṃ ruccati, aloṇikassa vā abhiharati, aloṇikassa vā bahumaṃ gaṇhāti, aloṇikassa vā vaṇṇaṃ bhāsatīti, sakho so bhikkhave, paṇḍito vyatto kusalo sūdo sakassa bhattu nimittaṃ uggaṇhāti.

6. evameva kho bhikkhave, idhekacco paṇḍito viyatto kusalo bhikkhu kāye kāyānupassī viharati ātāpī sampajāno satimā vineyya loke abhijjhādomanassaṃ. tassa kāye kāyānupassino viharato cittaṃ samādhīyati, upakkilesā pahīyanti, so taṃ nimittaṃ uggaṇhāti. vedanāsu vedanānupassī viharati ātāpī sampajāno satimā vineyya loke abhijjhādomanassaṃ. tassa vedanāsu vedanānupassino viharato cittaṃ samādhīyati, upakkilesā pahīyanti, so taṃ nimittaṃ uggaṇhāti. citte cittānupassī viharati ātāpī sampajāno satimā vineyya loke

abhijjhādomanassaṃ. tassa citte cittānupassino viharato cittaṃ samādhīyati, upakkilesā pahīyanti, so taṃ nimittaṃ uggaṇhāti. dhammesu dhammānupassī viharati ātāpī sampajāno satimā vineyya loke abhijjhādomanassaṃ. tassa dhammesu dhammānupassino viharato cittaṃ samādhīyati, upakkilesā pahīyanti, so taṃ nimittaṃ uggaṇhāti. sakho so bhikkhave, paṇḍito viyatto kusalo bhikkhu lābhī ceva hoti diṭṭhadhamma-sukhavihārānaṃ, lābhī hoti satisampajaññaṃ. taṃ kissa hetu: tathā hi so bhikkhave, paṇḍito vyatto kusalo bhikkhu sakassa cittassa nimittaṃ uggaṇhātīti.